

易

通

釋

易通釋卷九

離旅樓易
學之三

江都焦循學

疑或

循按乾九四或躍在淵文言傳云或之者疑之也是
疑與或爲一義疑者未信也未信者未孚也旁通則
孚不旁通則疑矣疑之見於經者二其一豫九四勿
疑朋合簪其一豐六二往得疑疾豫之疑傳於小畜
上九贊之云君子征凶有所疑也謂小畜上之豫三
成小過小過與需不孚者也小畜二先之豫五而後
上之豫三則勿疑朋盍簪小畜上之豫三卽中孚上

之三。是爲得敵。或鼓。或罷。或泣。或歌。四。或字。卽是有
所疑。小過九三。弗過防之。從。或戕之。小畜上。不之豫。
三。則不成。小過。是爲弗過。小畜上之。豫。三成。小過。則
有所疑。是爲從。或也。旣濟六四。需有衣袽。終日戒。傳
云。終日戒。有所疑也。需有衣袽。謂未濟成否。在四言
四。則否。四之初。成益。益通恆。恆二。不之五。而益上之
三。卽巽二。不之震五。而巽上之震三。之比例。巽上之
震三。成豐井。卽往得疑疾也。損六五。益六二。皆云。或
益之。十朋之龜。弗克違。益上九。莫益之。或擊之。立心
勿恆凶。勿恆則。或。或而擊之。是爲從。或從則擊之。違。

則莫益之。違則无所疑。從則有所疑矣。无妄六三或繫之牛。牛卽益三之牛。升成旣濟。无妄成益。猶旣濟通未濟。未濟成益也。恒二未之五而益上之三。故爲邑人災。此一或字與損益三或字同。而卽豐六二之疑也。恒二不之五而益上之三。卽未濟二不之五而上之三。未濟二之五旣爲需二之晉五之比例。則二不之五而上之三。卽爲需二不之晉五而晉上之三之比例。需二不之晉五而晉上之三。卽小畜二不之豫五而上之豫三也。經用或字。傳兩用有所疑。極引申觸類之妙矣。益通恒。損通咸。恒二不之五而益上

之三有所疑推之損二不之五而咸四之初亦有所疑又推之恆二不之五而四之初與損二不之五而上之三皆有所疑恆二不之五而四之初其有所疑經言之恆九三不恆其德或承之差謂二不之五而四之初成泰也傳於損六三贊之損六三三人行則損一人一人行則得其友傳云一人行三則疑也三人謂上之三成泰三陽爻在下爲三人五虛無人故損一人先以二之五則一人行而此一人不損矣傳云三則疑謂二不之五而上之三則有所疑此與兌初九傳互明兌初九傳云和兌之吉行未疑也損爲

艮兌相錯之卦。損二之五爲兌二之艮五之比例。損上之三爲艮上之兌三之比例。兌二之艮五爲和兌損二之五爲得其友。卽兌之朋友講習行未疑之行。卽一人行之行。三人行則疑一人行則未疑。故在損云三則疑在兌云行未疑。和兌之和。卽中孚其子和之之和。中孚二之小過五卽損二之五之比例。損二不之五而上之三。猶中孚二不之小過五而上之三。中孚上之三。旣同於小畜上之豫三。則損上之三之三則疑。卽小畜上之豫三之有所疑矣。傳又贊云履和而至。履何以和。謂二之謙五也。兌二不之艮五而

艮上之兌三兌成夬艮成謙卽損之三則疑矣疑則不和夬孚於剝謙孚於履履二之謙五夬二之剝五仍得爲和故夬傳云決而和而繫辭傳云履和而至夬得剝而和謙得履而和兌得艮而和艮上之兌三卽乾上之坤三不和則戰故坤上六龍戰于野文言傳云陰疑於陽必戰卽所謂三則疑也乾上之坤三同於履上之三履二不之謙五而上之三爲臨二不之五而遯上之臨三之比例臨二不之五而遯上之臨三則疑臨二之五而後遯上之臨三則不疑遯上九肥遯无不利謂臨二之五而後遯上之臨三也故

傳云无所疑也此疑字與損之三則疑兌之行未疑
坤之陰疑於陽必戰諸疑字一貫而與小畜既濟兩
傳之有所疑相引申者也遯上之臨三同於損上之
三无妄四之升初同於恆四之初臨二先之五則肥
遯无不利升二先之五則升虛邑傳贊遯上九云无
所疑贊升九二亦云无所疑明升之通无妄同於臨
之通遯同人上之師三爲師或輿尸謂師成升則升
通无妄之无所疑又所以贊師或輿尸之或也咸通
損而損上之三爲乾上之坤三之比例與艮上之兌
三同益通恆而恆四之初爲乾四之坤初之比例與

震四之巽初同巽初六傳云進退志疑也謂震四之
巽初成小畜復與兌初九傳行未疑互明經但於恆
九三言或而傳贊明之如此坤六二文言傳云敬以
直內義以方外敬義立而德不孤則不疑其所行也
直內則不成復小畜謙夫而成屯家人蹇革方外則
屯家人通鼎解蹇革通睽蒙睽外也睽二之五則不
疑不疑則不孤若蹇雖通睽而睽二不之五四先之
蹇初成損既濟則孤孤則疑睽二不之五上先之三
成大壯大壯蹇相錯卽需小過爲小畜上之豫三之
比例傳云遇雨之吉羣疑亡也遇雨則大壯通觀大

壯二之五而後觀上之三爲小畜二之豫五而後上之豫三之比例羣疑亡卽是勿疑朋盍簪乾九四或躍在淵文言傳云或躍在淵乾道乃革明指出革字謂乾成革革與蹇則有所疑故必通於蒙而蒙二之五乃无所疑革與蹇有所疑則蹇與革亦有所疑革疑則通蒙蹇疑則通睽傳以羣疑亡贊睽而革之通蒙可類推矣賁六四賁如皤如白馬翰如匪寇昏媾傳云六四當位疑也賁如皤如白馬翰如則需通晉而晉成益是當位也與需有衣袂終日戒同益又通恆是當位而又有所疑益旣濟相錯爲家人屯經於

益言或傳於既濟言疑經於革言或傳於睽言疑而
家人屯之當位而疑可類推矣賁困卽革蒙之錯困
成需卽蒙成泰蒙成泰猶睽成泰見豕負塗謂睽成
大壯也載鬼一車謂大壯成泰也皆疑也匪寇昏媾
則疑亡遇雨則疑亦亡傳云羣疑亡兼指泰大壯而
言而賁之匪寇昏媾卽睽之匪寇昏媾其爲疑之亡
也又可知也傳於中孚六三賁云位不當也以位不
當賁四或字因位不當而疑疑亡則當位當位而又
有所疑此先甲所以又有後甲而初筮又必原筮也

害

循按害與利相反不利則害可無煩言而解經惟大有初九稱无交害交謂二五相交二五不交則害其義甚明在初九則以大有成大畜比成屯爲害在九三則以大有成大壯比成蹇爲害傳於九三贊云公用亨于天子小人害也亨于天子謂二五先交而上應之二不交則五爲小人而上克比三則不爲亨而爲害矣小人害也小人害卽是害民節彖傳云節以制度不傷財不害民兌四之艮初成節困四之初亦成節困賁相錯爲革蒙困四之初爲革四之蒙初之比例革四之蒙初成損故損之害同於節之害節以

制度謂旁通於旅節通於旅則不害民損通於咸則
遠害不通於咸則害咸者感也咸九四傳云貞吉悔
亡未感害也未感則害感則不害也艮初之兌四成
節爲艮其腓革四之蒙初成損其爲腓同感而通咸
則咸其腓傳云雖凶居吉順不害也順不害與未感
害互明節二之旅五與姤二之復五同乾四之坤初
成復卽離四之坎初成節也復通姤則括囊无咎傳
云慎不害也慎不害卽順不害明括囊之无咎同於
損二之居吉則坤之不害損之不害與節之不害三
者脗合渙上六傳云渙其血遠害也經文血去惕出

與小畜六四同傳用遠害二字與損以遠害同坤成復則乾成小畜小畜舍復通豫猶復括囊通姤傳以遠害贊渙正是贊小畜卽以明豐之通渙同於小畜通豫小畜爲乾四之坤初卽大有四之比初之比例豐爲離上之坎三卽大有上之比三之比例由大有无交害一語引而申之此贊之所以爲贊也

匪

循按腓卽匪也匪之言非也六十四卦終以有孚失是一語失是則匪也萃九五匪孚元永貞匪卽匪其彭之匪而與否之匪人比之匪人互明者也比孚於

大有大有成泰比成既濟與泰二不之五而否成既濟同此匪之所以爲匪也大有四之比初未成泰先成大畜與鼎四之初同折足覆餗是謂之匪匪則有咎故大有初九云无交害匪咎謂二五不交而成大畜害則爲匪故有咎乃大有成大畜雖以匪而咎苟能變通於萃則仍无咎大有九四匪其彭无咎彭子夏作旁姚信云彭旁也旁卽謂旁通旁通則孚故萃九五互發明之云匪孚元永貞謂萃與大畜孚卽是與匪孚也元永貞與比互明比孚大有大有成家人比成屯屯孚於鼎則元永貞既大有成大畜比成屯

在屯之孚鼎仍爲元永貞而大畜孚萃亦得元永貞蓋大畜孚萃與家人孚解同但自家人孚解爲君子有孚于小人自大畜孚萃爲匪人孚於君子兩元永貞互相發明非泛言也大有未成泰先成大畜在師則未成泰先成臨大有四之比初猶同人四之師初也大有未成泰先成大壯在師則未成泰先成升大有上之比三猶同人上之師三也經不言於同人師而言於无妄无妄升所孚也升二不之五而无妄四之升初升成泰无妄成益益上又往三則成旣濟與否之匪人同故无妄彖云其匪正有眚不利有攸往

其匪謂升成泰正謂无妄成既濟如是則有眚故益
上不可往升成泰卽師成泰升成泰无妄成益猶師
成臨同人成家人其匪二字旣明師成臨之爲匪亦
明師成升之爲匪師成臨旣同乎大有成大畜師成
升卽同乎大有成大壯故成大畜爲无交害艱則无
咎成大壯亦艱則吉而傳於九三贊云小人害也指
其成大壯也凡經言匪與言害言艱互勘之其義自
明於是言匪寇昏媾可知矣匪謂其成泰也成需明
夷也寇謂不變通而泰二之五也需二之明夷五也
以匪寇而昏媾則以泰通於否泰二之五而否應之

也。泰通於否。則匪寇變爲昏媾。大畜通萃。則匪孚而
其彭无咎。孚則旁通。昏媾則交。始以无交而匪繼。以
匪孚而昏媾。其義可推也。離上九獲匪其醜。无咎。與
匪其彭。无咎。義同。而互相發明。王用出征。有嘉折首。
則離成革。坎成蹇。蹇通睽。而睽上之三成大壯。卽大
有上之比三也。革通蒙。而蒙上之三成升。卽同人上
之師三也。匪而獲。則革四之升初。大壯四之蹇初。其
醜无咎。則泰取類於否。猶其彭无咎。則大畜旁通於
萃也。蒙睽成泰。革蹇成旣濟。爲獲匪蒙。未成泰。而先
成損。卽與大有未成泰。而先成大畜同。咸六二咸其

腓腓指損腓卽匪也蒙上之三與同人上之師三同
皆匪也同人成革師成升革四不可之升初則必改
而求諸蒙爲匪我求童蒙自否視泰自比視大有則
稱匪人自蒙言蒙則稱匪我匪人者失其爲人也匪
我者失其爲我也同人上之師三卽是蒙上之三蒙
二之五成觀乃爲有我蒙成升而匪我革仍求於蒙
此經自示其例也蹇六二王臣蹇蹇匪躬之故謂睽
成大壯也蹇初不可之革四已蹇矣旣孚於睽睽又
成大壯則蹇初又不可之大壯四故蹇而又蹇大壯
四旣不可之蹇初乃變通於觀是王臣蹇蹇匪躬之

故匪指大壯躬指蹇故者事也通變也王卽利用賓
于王臣卽遇其臣也若大壯不能變通直以四之蹇
初則爲獲匪矣匪之言非也非者是之反也失是則
非雖失是仍宜求其是故匪我仍求童蒙則匪其彭
匪其醜矣豐四之渙初成中孚明夷相錯卽家人臨
爲同人四之師初之比例故匪夷所思匪而夷其所
思猶匪而害矣

艱
難

循按經言艱傳言難艱卽難也明夷利艱貞傳云內
文明而外柔順以蒙大難文王以之利艱貞晦其明

也。內難而能正其志，箕子以之一云。內難一云大難。從來未明其義，思之既久，乃得之。乾坤坎離震巽艮兌二五不先行，而初四三上踰越之，致成明夷需是爲難矣。未成明夷，需之先方成復，小畜夬謙豐井賁，節能變通，尙可不致於難。惟復通於姤，賁通於困，可不難矣。而二五仍不先行，使姤上之復三賁上之困三姤困成大過，復賁成明夷，是爲大難。大謂大過，難謂明夷也。謙通於履，豐通於渙，可不難矣。而二五仍不先行，使履四之謙初，豐四之渙初，履渙成中孚，謙豐成明夷，是爲內難。中孚明夷相錯，爲家人，家人內

也明夷難也。所以必如是贊者。所以明大壯大有噬
嗑大畜之稱艱也。大壯上六不能退不能遂无攸利。
艱則吉。此謂大有二不之五而上之比三。大有成大
壯比成蹇。蹇大壯相錯爲小過需爲小畜上之豫三。
旅上之節三之比例。與復姤賁困成明夷大過互相
發明。大有初九无交害匪咎。艱則无咎。此謂大有四
之比初。大有成大畜比成屯爲隨四之蠱初之比例。
屯大畜相錯爲需頤。又噬嗑四之井初之比例。故噬
嗑九四利艱貞吉。卽大畜九三利艱貞噬嗑井成頤
需與豐渙謙履成中孚明夷互相發明。然則不特需

明夷爲難而需頤亦難也。需小過亦難也。明夷中孚。明夷大過亦難也。以相錯之內難推之。其屯大畜蹇大壯革升家人臨亦難也。明夷通訟則利艱貞。需通晉亦利艱貞。噬乾肺得金矢。謂井成需通晉也。大畜通萃。猶需通晉。故亦利艱貞。上承良馬逐。謂隨四之蠱初也。下申言曰閑輿衛。謂萃四不之初而大畜二之五也。是需與頤爲難。而需頤所錯之屯大畜亦難。明夷與中孚爲難。而中孚明夷所錯之家人臨亦難。傳旣以內難明其爲家人。又於屯以難贊之。此一以貫之者也。需小過相錯之大壯蹇旣同於需小過之

爲難明夷大過相錯之升革既同於明夷大過之爲
難經於大壯稱艱而傳則以大過明夷爲大難又以
難贊蹇直云蹇難也此又一以貫之者也蓋屯與家
人則盈屯與大畜家人與臨則難革與蹇則盈革與
升蹇與大壯則難屯通鼎在盈則悔亡在難則貞吉
乃屯通鼎而鼎成大畜又成泰屯成既濟相錯卽需
明夷是爲乘馬傳云六二之難乘剛也故泰利艱貞
无咎同於明夷之利艱貞明夷艱通訟則利泰艱通
否則无咎傳於否贊云君子以儉德辟難泰與否孚
則泰之難辟矣鼎成泰則屯難睽成泰則蹇難鼎未

成泰先成大畜睽未成泰先成大壯則大壯大畜之
艱經已明言可會而通之而鼎成恆睽成損經未言
其難傳則贊之云損先難而後易何爲先難睽四先
二五則難也何爲後易損通咸咸四仍後於損五所
謂易則易知也咸損相錯爲兌艮傳於兌贊云剛中
而柔外說以利貞是以順乎天而應乎人此謂當位
成革蹇也成革蹇而變通於蒙睽則說以先民民忘
其勞不當位而成賁節成賁節而變通於困旅則說
以犯難民忘其死兌四先之艮初是初先於五故犯
難惟節舍賁而通旅是因犯難而解說不能解說以

賁上之節三成需明夷則焚如死如節二之旅五不致成明夷故忘其死此犯難指兌成節卽損之爲難也需初九需于郊利用恆傳云不犯難行也需通晉晉上之三成小過卽大有成大壯之艱是犯難不犯難者需二先之晉五而後晉上之三成咸爲利用恆用恆則成咸猶鼎成咸也鼎成咸不犯難成恆則犯難可知此犯難卽恆之爲難也凡經言艱難必云吉云利云无咎何也其未成需明夷也自知失道則小畜上之豫三成小過者卽不更以小過四之初賁上之困三成大過者卽不更以大過四之初夬四之剝

初成頤卽不更以頤上之三豐四之渙初成中孚卽不更以中孚上之三其已成需明夷也自知失道卽不更以需二之明夷五行之艱難則能變通所以利而吉吉而无咎也

窮

循按雜卦傳云未濟男之窮也序卦傳云物不可窮也故受之以未濟終焉窮指既濟既濟五剛故爲男因既濟窮故變而通之爲未濟序雜兩傳互相發明繫辭傳云易窮則變變則通知變何以變通何以通卽知窮何以窮變通有二則窮亦有二一爲盈不可

久之窮一爲消不久之窮。盈之窮。乾上九傳云亢龍有悔。窮之災也是也。消之窮。坤上六傳云龍戰于野其道窮也是也。凡初四從二五成屯。家人三上從二五成蹇。革則盈不可不變。故序卦傳云家道窮蹇。彖傳云不利東北。其道窮也。隨成革。蠱成蹇。傳云拘係之上窮也。皆盈不可久之窮也。乾坤巽震成復。小畜。乾坤兌艮成夬。謙。坎離兌艮成賁。節。坎離巽震成豐。井。失道不可不變。故坤上六龍戰于野。其血元黃。爲謙。夬之窮。豐之窮。見於序卦傳云窮大而失所居。渙二之豐。五則剛來而不窮。井傳云井養而不窮。謂變

通於噬嗑。夫不變通而以四之謙初成明夷。是爲不利。卽戎傳云。所尙乃窮也。小畜雖通於豫。乃二不之豫。五而豫四之初。仍成復。是爲鳴豫。傳云。志窮凶也。姤其角。傳云。上窮吝也。姤成咸。何以吝。以其先爲小畜。復之窮也。窮而能變爲吝。變而又窮則凶。故豫而鳴爲凶。姤其角爲吝。節不變通而係以賁。故苦節不可貞。苦亦窮也。彖傳及上六傳。兩稱其道窮以贊之。困成需則尙口乃窮。需孚於晉則其義不困窮。故困窮而通。節通於旅。旅四之初。仍成賁。則旅瑣瑣斯其所傳云。志窮災也。旅以志窮而災。猶豫以志窮而凶。

困之尚口乃窮猶夫之所尚乃窮凡此皆消不久之窮也屯家人窮矣屯變通於鼎乃不俟鼎二之五而三之鼎上爲吝傳云往吝窮也屯三之家人上爲盈之窮屯三之鼎上爲消之窮大有成大壯猶漸上之歸妹三是爲征凶大壯初九傳云壯于趾其孚窮也壯于趾則窮矣壯于趾所以變通而有孚者正因其窮也大有成大壯不能孚於觀又以四之蹇初比成既濟大有成泰是爲後夫傳云後夫凶其道窮也與既濟終止則亂其道窮同此所以爲男之窮也漸上之歸妹三成大壯漸初之歸妹四則成臨臨之窮與

大壯同臨傳云君子以教思无窮謂變通於遯也歸妹成大壯漸成蹇大壯孚於觀矣蹇則孚於睽睽二之五成无妄下震爲動故漸彖傳旣以可以正邦與蹇彖傳以正邦相貫又云止而巽動不窮也傳旣以拘係爲上窮又於巽上九云巽在牀下上窮也序卦傳云剝窮上反下故受之以復窮上卽上窮上窮則下不可又窮反下則下不窮推之下窮則上不可又窮反上則上不窮蹇革盈而上窮夫謙消而上窮變通於睽蒙剝履則反乎上之窮矣家人屯盈而下窮小畜復消而下窮變通於解鼎豫姤則反乎下之窮

矣序卦傳又云困乎上者必反下故受之以井困乎上卽窮上也以困例剝以井例復則不得以一陽在上爲窮上一陽在初爲反下矣上下之例或指上應下應則三上爲上初四爲下或指上卦下卦則上四爲上初三爲下或指上行下行則三之上爲上初之四亦爲上四之初爲下上之三亦爲下言固非一端可盡剝之窮上承致飾然後亨則盡是謂成蹇與隨三之蠱上同隨三之蠱上可據上應爲上窮亦可據隨三上行之蠱上爲上窮若復之上窮則明贊於巽在牀下在巽則由震四下行之巽初爲牀下在震則

由巽初上行之震四爲窮上推之坎三之離上困乎上也是上行之窮也巽上之震三亦困乎上也是上不應之窮也上應窮於盈上不應窮於消皆爲上窮而困乎上則專指消而言蠱成蹇上窮於盈蠱成升上窮於消復通姤所反在初爲反下蹇通睽所反在三亦爲反下震成復下窮巽成小畜卽是上窮困成大過是困乎上大過通頤卽是反下三可爲上亦可爲下也井通噬嗑是反下坎成井卽是困乎上三可爲下亦可爲上也總之聖人贊易特以辭之同者爲引申旣於隨姤巽三稱上窮又於序卦傳一稱窮上

一稱困乎上兩稱反下彼此互相鈎貫俾學者觸類而知其指上下之辭各依文以爲義未容以一端泥也乾二不之坤五而上之坤三成謙爲龍戰于野傳云其道窮乾二之坤五而後上之坤三成蹇爲利西南不利東北傳亦云其道窮乾成家人坤成屯爲亢龍有悔傳云窮之災家人屯相錯旣濟益也无妄上九无妄行有眚卽彖其匪正有眚謂升成泰无妄成益益泰相錯卽復小畜也傳亦云窮之災明盈與消不能變通其窮一也

終

循按經之稱終者有終吉雷九二訟初六六終凶訟終无咎

坎六終有凶六終有大敗六君子有終九三无成有終

坤六无初有終六三初吉終亂六三終以譽命五有孚不

終六終日戒六四不終日二終日乾乾九三終朝三褫之

九傳之贊經者有終无咎九三終无尤六五終无功三无所終

終不可用九三終不可長六四終无功三无所終

六終有慶坤終則有始六三永終六三以厚終六三以大終

六終莫之陵三終莫之聞九剛長乃終六三合觀經傳

而終之義明即全易之大旨明乾九三首言終日乾

乾坤六三即言无成有終乾彖傳云大明終始六位

時成坤彖傳云東北喪朋乃終有慶乾文言傳云知至至之可與幾也知終終之可與存義也坤文言傳云地道无成而代有終也代者更也以更變而有終謂乾成家人坤成屯再以乾上之坤三成兩既濟則終而无始惟屯通鼎鼎成咸而屯乃成既濟而終咸又通於損損成益而咸乃成既濟而終更番相代故爲代有終代有終則終日而以乾乾所謂君子幾不如舍故可與幾彼有所至而此有所終故可與存義存者生也義者利也是爲生生是爲變而通之以盡利終而有始乃爲時成時成故无成而有終坤成屯

通於鼎坤成蹇則通於睽東北喪朋蹇通於睽也睽成益蹇乃成既濟而終亦代有終也如是而終是爲以大終以厚終是爲有終爲永終是爲終无尤終无咎而終吉矣既濟初吉終亂傳云初吉柔得中也終止則亂其道窮也初卽初筮既濟已終通於未濟則不終然未濟必二先之五成否既濟之終乃吉若不先成否而成泰泰二之五卽爲再三瀆未濟亦成既濟兩卦一成咸益一成既濟則續終兩卦皆成既濟則終亂傳於終亂用一止字贊之止則無所續如是而終則不可長不可長則不可用用則无功用則三

襦用則有大敗而終有凶矣。雜卦傳云：歸妹，女之終也。與彖傳歸妹人之終始也。互相發明。女指漸，歸妹成泰，漸成既濟，終在漸，故云女之終。歸妹雖失道成泰，固未終也。泰孚於否，利艱貞，故云人之終始。泰成既濟，則終以否。上下應之，則正是始。既濟上坎爲男，言男之窮，則未濟固不窮。漸上巽爲女，言女之終，則歸妹固未終也。

亂

循按爾雅釋水：正絕流曰亂。水以流爲連續，絕之卽止之。樂記復亂以飭歸，正義云：復謂舞曲終，舞者復。

其行位而整治。象武王伐紂既畢，整飭師旅而旋歸。凡物始以聚終以分，分之而無可分則定，定則止矣。既濟初吉終亂，傳云終止則亂，其道窮也。以止字贊亂字，謂泰二之五分之無可分也。萃初六有孚不終，乃亂乃萃，隨四之蠱初成屯大畜大畜二之五成家，人家人上之屯三成兩既濟爲終亂，乃大畜不與屯通變而有孚於萃，則大畜二之五成家人，家人上之萃三大畜成既濟則亂，萃成咸則萃一亂一萃，由於有孚一亂一萃，則不終亂。故云有孚不終，乃亂乃萃。傳云其志亂也，二之五爲志，志在大畜，明大畜亂萃。

則不亂也。泰二之五終亂矣。泰字否。猶大畜字萃。泰上六傳云。城復于隍。其命亂也。命謂泰二之五而否應之。其命亂猶云其志亂。明否不亂也。故傳於否六二贊云。大人否亨。不亂羣也。泰成既濟。雖亂否成益。則不終。猶萃之乃亂。乃萃也。繫辭傳云。言天下之至賾而不可惡也。言天下之至動而不可亂也。擬之而後言。議之而後動。擬議以成其變化。動謂感應。不可亂。謂動而一感一應。不可至於終止也。議之。陸續姚信。桓元荀柔之。並作儀之。儀同於宜。宜猶利也。利而動。則不至於亂矣。漸上九其羽可用爲儀。傳云不可。

亂也可用爲儀所謂儀之而後動也

惡

循按惡之在形者與美對

昭公二十八年左傳賈大夫惡娶妻而美孟子雖有惡人與西子對舉莊子德

充符衛有惡人焉

邦氏注云惡醜也惡之在心者與善對於是因其形之惡

而惡之因其心之惡而惡之謂之惡與好對乾二之

坤五在乾爲始以美利利天下在坤爲美在其中反

是則不美可知不美則惡也積善之家必有餘慶謂

乾二先之坤五積不善之家必有餘殃謂乾二不先

之坤五不善則惡也相親則善不相親則惡家人旁

通於解解二之五則交相愛相愛則不惡矣經於睽

初九言見惡人蹇之通睽猶家人通解睽之見惡人與家人傳之交相愛互明何也漸上之歸妹三成蹇大壯漸初之歸妹四成家人臨皆惡人也家人變通於解臨則變通於遯傳於遯贊云君子以不惡而嚴嚴卽家人有嚴君之嚴以家人係臨則不嚴而惡變而通遯仍不異家人之於解故不惡而嚴蹇係大壯則惡變而通睽則見惡人无咎見則不惡矣睽二之五成无妄與井二之噬嗑五同繫辭傳贊之云善不積不足以成名惡不積不足以滅身小人以小善爲无益而弗爲也以小惡爲无傷而弗去也故惡積而

不可掩罪大而不可解。易曰：何校滅耳。凶。巽上之震三成豐井，猶漸上之歸妹三成蹇大壯，惡未積，尙爲小惡也。井通於噬嗑，猶蹇通於睽。見惡人，可以无咎矣。乃井二不之噬嗑，五而噬嗑上之三爲滅耳，仍不改悔而噬嗑四又之井，初爲何校？於是井成需，噬嗑成明夷，惡積而罪大矣。推之乾成革，坤成蹇，小善也。蹇通睽，睽成益，蹇成旣濟，則善積，故云以小善爲无益。未通睽，睽成益，爲小善也。歸妹成大壯，漸成蹇，小惡也。蹇通睽，睽成泰，蹇成旣濟，則惡積，故云以小惡爲无傷。睽未成泰，泰未與旣濟錯，爲需，明夷爲小惡也。

傷卽夷也。无傷无益四字實有所指。傳無泛文如此。漸上之歸妹三爲大有上之比三之比例。傳於大有贊云。君子以遏惡揚善。大有二先之五而後上之比。三則成革與蹇不成大壯與蹇。則有善而無惡。故云遏惡。大有二之五爲乾二之坤五之比例。乾二先之坤五美在其中矣。而四應之成屯家人。異乎家人臨之惡也。上應之成蹇革。異乎蹇大壯之惡也。蹇又通睽。成益旣濟乃終有慶。是積善而有餘慶矣。乾二不之坤五而四之坤初。成小畜復。卽漸歸妹之成家人臨也。上之坤三成夬謙。卽漸歸妹之成蹇大壯也。惡。

不能遏矣。夬四又之謙初。小畜上又之復三。成明夷
需。是亦惡積而罪大矣。有餘殃矣。文言傳言此於坤
上六與繫辭傳贊噬嗑上九之文顯相鈎貫而明指
出漸字。明爲漸上之歸妹三而言。漸上之歸妹三有
惡人而後通。睽見惡人然則傳中諸惡字俱所以贊
睽初九見惡人之惡也。於是又贊於謙彖傳云人道
惡盈而好謙。乾上之坤三成謙。夬旣同於漸歸妹比
大有之成蹇。大壯則蹇。通睽猶謙。通履履二之謙五
成无妄。正爲睽二之五之比例。故用惡好二字好字
與好遯相發明。惡字與見惡人相發明。謙夬將成兩

既濟則惡盈謙通履猶臨通遯故好謙也夫二之謙此成謙故盈
尤傳贊經之造微者矣繫辭傳云言天下之至賾而不可惡也賾之言積也積善積惡皆積也但宜積善而不可惡與諸傳文相證本自明了賾京房作嘖解作精惡鄭康成荀爽作亞解作次轉不知所謂

災眚

循按宣公十五年左右傳伯宗云天反時爲災雜卦傳以大畜爲時以无妄爲災兩相反矣乃无妄爲災而傳稱其茂對時大畜爲時而傳稱其不犯災則災與時亦視其所行何如耳變通既爲趣時則反時爲災

者以其不能變通也。災之爲災，經已互自明之。无妄象云：其匪正有眚，匪謂四之升初。升成泰，无妄成益。是時變通，尙不爲災。乃益上又之三，成既濟，而正是以有眚。眚卽災也。上九无妄行有眚，无攸利。明象之有眚，由益上之三也。六三又推廣其例云：无妄之災，或繫之牛。行人之得，邑人之災。无妄成益，三互坤，則有牛矣。升二不之五，而无妄四之升初，成泰。益固爲或升二之五，而无妄四之升初，成既濟。益亦爲或云繫之牛。云行人之得，繫之且得，則升二先已之五，而四之行，非失道爲匪矣。然爲泰，益益上之三，固邑人

之災爲既濟益益上之三亦是邑人之災故傳贊上九有眚云窮之災也贊乾上九亢龍有悔亦云窮之災也亢龍謂乾成家人坤成屯屯家人相錯爲既濟益與或繫之牛行人之得同傳以亢龍爲窮之災是卽以行人之得邑人之災爲窮之災蓋成泰益爲消之窮成既濟益爲盈之窮窮而不能變通皆反時而爲災其匪正有眚窮而不能變通之災也行人之得邑人之災亦窮而不能變通之災也傳於乾上九贊之微乎妙矣无妄升相錯爲復姤无妄四之升初爲姤四之初之比例卽乾四之坤初也升成泰无妄成

益益上之三卽是小畜上之復三故復上六迷復凶
有災眚謂復成明夷小畜成需也小過上六弗遇過
之謂小畜二不之豫五而上之豫三亦猶乾上之坤
三也其道已窮不能變通而小過四又之初成明夷
此卽乾上之坤三又四之坤初也卽小畜上之豫三
又豫四之初也亦卽姤四之初又上之復三也經明
示其例云飛鳥離之凶是謂災眚與復之災眚又同
凡先三上而後初四與先初四後上三同故爲比例
猶算術先乘後除與先除後乘同數也需九三傳云
需于泥災在外也泥卽井泥之泥離上之坎三巽上

之震三皆成豐井猶乾坤成復小畜矣不能變通而
豐四之井初成需明夷猶小畜上之復三成需明夷
也傳於需于泥言災在外明豐井成明夷需卽復小
過成明夷之災眚也井成需爲井泥則豐成明夷爲
災在外豐初九贊云過旬災也離震成豐已爲有過
不能通變又成明夷是過而又旬以致成災豐四之
井初爲小過四之初之比例也然小畜井成需復豐
成明夷爲災眚矣苟能變通則向之災眚亦化爲无
眚訟九二歸而逋其邑人三百户无眚謂明夷通訟
也此无眚不獨與復小過之災眚互明並與无妄六

三邑人之災互明。明夷變通於訟。訟二之明夷五而初四應之。則已能化去其災眚。不待言矣。乃亦繫之牛而行人得也。使不變通而益上之三。仍邑人災也。而訟成益又通於恆。是歸而逋也。歸而不逋。則爲邑人之災。歸而能逋。則爲邑人三百戶无眚。同一邑人而災不災。惟視乎逋不逋。逋之言遷也。遷之言改也。能遷則變通趣時矣。无妄行有眚。震六三震行无眚。何也。震四之巽初成復。復通姤。旣同於升。通无妄。則升二不之五。而无妄四之升初。卽姤二不之復五。而四之初也。无妄成益。益上又之三。則姤成小畜。小畜

上又之復三也如是則无妄行有眚震行亦有眚若震成復通姤復成屯又通鼎卽師成升通无妄无妄成益又通恆也如是則震行无眚无妄行亦无眚經一稱行有眚一稱行无眚明以兩辭相同而異者互相發明虞仲翔謂死而復生曰蘇蘇猶生生復通姤姤二之復五一蘇屯通鼎鼎二之五蘇而又蘇震行所以无眚者蘇而又蘇也无妄行所以有眚者其匪正也明夷通訟訟成益益又通恆與升成旣濟无妄成益益又通恆同是訟之无眚又與震行之无眚无妄行之有眚互明者也遯初六遯尾厲勿用有攸

往遯臨相錯爲謙履遯上之臨三臨成泰遯成咸卽
乾上之坤三之比例泰咸而咸四之初與泰益而益
上之三同卽乾上之坤三又四之坤初也經雖不明
言災眚而勿用有攸往與匪正有眚之不利有攸往
原爲互明故傳贊之云遯尾之厲不往何災也屯鼎
旁通鼎二不之五猶升二不之五升成蹇與无妄
相錯卽遯屯鼎二不
之五而四之初成大畜猶升二不之五而无妄四之
升初成泰屯三又之大畜上卽是无妄成益益上之
三矣惟大畜孚萃則能變通不致匪而又眚故傳云
有厲利己不犯災也遯大畜經不言災而傳一言不

犯災一言不往何災明旅以往而犯災也節二之旅
五旅成遯節成屯與鼎二之五同亦與臨二之五同
亦與升二之五同初六旅瑣瑣斯其所取災瑣瑣小
小也鄭康成說斯其所節二不之旅五也節二不之旅五而
四之初成賁已小矣賁上又之節三成明夷需是小
而又小卽離四之坎初又離上之坎三也猶乾四之
坤初又乾上之坤三也傳云志窮災也旅成賁志已
窮不能變通而成災故志窮而又災使旅四之初卽
能變通亦猶鼎成大畜而不犯災遯成咸臨而不往
何災而反時爲災以不能變通而取於是無疑大畜

萃相錯爲夬剝剝六四剝牀以膚謂夬四之剝初也
剝先成謙而夬四之剝初成明夷也剝上之三爲遯
上之臨三之比例夬四又往剝初故云切近災也

潛伏隱藏

循按雜卦傳云兌見而巽伏也說卦傳云坎爲隱伏
繫辭傳云巽稱而隱隱伏何以爲巽坎所共有自巽
上之震三成豐井則巽而坎矣自坎三之離上成豐
井則坎而巽矣然則坎巽之隱伏皆指其成井也坎
巽之成井猶坤艮之成謙而坤艮之成謙猶同人上
之師三成升同人九三伏戎于莽升其高陵謂同人

上之師三也。經明指出升字，則伏戎之義在此。師二之五爲乾，二之坤五之比例，則師二不之五而同人上之師三，卽爲乾二不之坤五而上之坤三之比例。伏戎于莽之伏，卽潛龍勿用之潛，其義文言傳詳之。初九曰潛龍勿用，何謂也？子曰：龍德而隱者，也不易乎世，不成乎名，遯世无悶，不見是而无悶。樂則行之，憂則違之，確乎其不可拔，潛龍也。乾二之坤五成比爲樂，初可從之而行也。是則成屯爲見，乾二不之坤五而上之坤三成謙，則爲憂，初不可更從之，是宜違而變通，所爲易乎世也。謂謙通於履，也能易則名履。

不能易而乾四又之坤初則名明夷故不易乎世不成乎名謙履相錯爲臨遯謙通履卽臨通遯也通則中無所失故遯世无悶明指出遯字知潛指坤之成謙成謙而不成屯故不見因不見而謙成明夷則匪矣不見而謙通於履則不失是故是而无悶憂而違故易世成名遯世无悶不失是以至於匪則潛而不潛故无悶悶亦伏也不能違而易世則拔矣拔而成明夷故不可拔也傳又贊云潛龍勿用陽氣潛藏於潛字下增一藏字所以關合同人之伏戎于莽也何也同人上之師三成升伏矣升宜違而變通於无妄

猶謙宜違而變通於履不能變通而以師初之同人
四卽是升初之革四與謙初之夬四同是爲否臧凶
古藏字皆作臧漢書禮樂志注云古書懷藏之字本皆作臧衛方碑用舍行臧藏正作臧文言傳以藏
字復潛字下正是指此臧字潛藏則不可拔藏而拔
是否藏也否藏則凶矣升革相錯爲大過明夷大過
通頤猶升通无妄升通无妄旣同於謙通履故乾初
九傳贊以遯世无悶指謙通履也又贊於大過云遯
世无悶指大過通頤卽指升通无妄也謙通履則潛
勿用矣升通无妄則藏不否矣此同人之伏卽師之
臧師之臧卽乾之潛也惟否臧之臧指同人四之師

初於是豐上六闕其戶闕其無人三歲不覲闕其戶
謂四之渙初闕其無人謂渙二未之豐五在豐成明
夷在渙成中孚相錯卽家人臨傳贊云自藏也此藏
字卽否藏之藏也惟伏戎之伏指同人上之師三師
成升通无妄猶坤成復通姤於是文言傳又於坤六
四贊云天地變化草木蕃天地閉賢人隱坤成屯則
變化而蕃坤成復則閉而隱隱卽伏也閉亦悶也總
之陽在二爲隱藏爲潛伏乾之潛指坤成謙謙變而
通履爲稱物平施是隱而稱也繫辭傳言巽稱而隱
何也隱卽退也藏亦喪也巽通震成革蹇爲先甲卽

爲先心。蹇退而遜於睽。睽喪馬卽是隱藏而蹇通之。卽是退藏于密。不當潛而隱則稱而改之爲行權。當隱而退則稱而巽之爲行權。皆變通以趨時也。

輕 蔑 誅 滅

循按雜卦傳以輕贊謙以誅贊明夷。鄭康成訓剝初六云。蔑輕慢也。詩大雅國步蔑資箋云蔑猶輕也剝上之三猶乾上之坤

三謙之輕卽剝之蔑也。荀慈明訓誅爲滅滅與蔑通。剝初六傳以滅贊蔑是蔑卽滅也。剝牀則上之三以足則夬四之剝初剝成明夷。明夷之誅卽剝之滅也。釋名誅株也。如株木根枝葉盡落也。賁上之困三困

成大過下巽爲木賁成明夷爲誅故困于株木傳以
明夷爲誅而於大過稱澤滅木滅木卽誅木卽
株木矣乾上之坤三成謙夫猶巽上之震三成豐井
謙輕則井亦輕謙蔑則井亦蔑噬嗑初九滅趾无咎
六二滅鼻无咎滅趾滅鼻謂離上之坎三巽上之震
三也坎二先之離五則離上之坎三成蹇下艮爲鼻
亦爲趾成井則無艮故滅鼻滅趾矣變通於噬嗑向
雖滅趾在噬嗑則无咎矣向雖滅鼻在噬嗑則无咎
矣若噬嗑上之三則仍成豐在離上之坎三爲滅趾
滅鼻在噬嗑成豐爲滅耳噬嗑四本互坎上之三而

滅之也。大過滅木卽是滅頂。滅木者。賁上之困三。滅頂者。姤上之復三。大過變通於頤。猶井變通於噬嗑。故向之滅頂雖凶。亦无咎也。

汔 斯 隍 索 沙 干

循按說文。汔。水涸也。廣雅。索。涸。漸。汔。並訓。盡。水涸卽水盡也。未濟小狐汔濟。傳云。未出中也。未出中。謂二未之五。而四上之初三爲泰。上坎不見無水。故涸。井彖云。汔至。猶云。汔濟。離上之坎三成豐井。豐四又之井初。成需明夷。猶未濟四之初。成損。損上又之三。成泰也。在井稱汔。在泰稱隍。隍猶汔也。說文有水曰池。

無水曰隍。泰上本隍。通於否。而以二之五。則城復于

隍。說文。城以盛民也。民之盛於城。猶物之盛於筐。五

无實為虛筐。即為虛隍。爾雅釋詁。隍虛也。池無水稱隍。地不毛

稱荒。泰上坤。以其未盛。坎水則隍也。以其空有坤土。

則荒也。九二所包之荒。即上六所復之隍。鄭康成云。荒。讀為康。虛也。地

不毛為荒。縑无色為素。履初九素履為謙。上坤素與

索通。爾雅釋草。素華貌。縑。文素又作素。左傳昭十二年。八索九邱。釋文本又作素。震上六震索索。視矍

矍。傳云。中未得也。明巽二未之震。五而上遽之震。三

成豐。說文。矍。視遽貌。五空無實而離目遠張。故征凶。

索與漸一音之轉。漸與斯同。莊子齊物論注。豁然確斯也。釋文。斯本又作漸。儀禮鄉飲酒。斯禁疏。

云斯漸也詩王赫斯怒無獨斯畏箋皆訓斯爲盡旅初

六旅瑣瑣斯其所取災斯其所猶云空其所節二不之旅五而旅四之初猶未濟二不之五而四之初斯其所則夷其所思匪夷所思謂豐四之渙初成中孚明夷相錯爲家人臨爲解四之初之比例臨通遯而臨二之五則朋至斯孚臨二之五與姤二之復五同故朋至卽是朋來朋至則向之斯其所者今則孚矣故云斯字輾轉鈎貫不啻馬跡蛛絲尋之其緒不絕周禮內饗鳥鶚色而沙鳴狸注云沙漸也定公七年秋齊侯衛侯盟于沙左傳作乃盟于瑣成十二瑣澤

公羊傳作沙澤然則瑣漸沙三字音相轉而義通旅
斯其所則先成賁瑣而又瑣則上又之節三與困四
先之初而賁上又之困三同在旅爲旅瑣瑣斯其所
在困則爲有言不信故需九二需于沙小有言沙卽
瑣亦卽斯小有言卽有言不信瑣之義本爲小故以
小字加有言之上明此需爲節所成亦爲困所成也
漸初六鴻漸于干歸妹四之漸初爲解四之初之比
例卽猶豐四之渙初也禮記大傳注干猶空也水畔
空虛故有干之名干亦名澗澗從閒閒亦空也

素

循按序卦傳云賁者飾也雜卦傳云賁无色也无色
與飾適相反无色謂素也士冠禮注器物無色曰素管子水地素也者五色質也注云無色之謂素兌
四之艮初成賁猶兌三之艮上成謙故履初九素履
指謙謙通履則素而履矣賁无色指艮成賁賁飾指
賁通困无色而飾則不素素而履則有飾互明者也
艮上之兌三猶巽上之震三謙之素卽震之索索矣
而兌二之艮五巽二之震五皆歸妹二之五之比例
故漸六二贊云不素飽也五有實則飽飽則不素空
則素矣巽爲白困二已之賁五成家人上巽故白賁
白正是飾白亦色也虞仲翔以白爲无色失之

男廷琥孫

授書授詩

校字